

En data 29 de outubro de 2024, a Asemblea Xeral da Asociación Desenvolvemento Galicia Suroeste Eurural, acorda a subscrición do Plan de prevención de riscos e medidas antifraude e adoita a presente,

DECLARACIÓN INSTITUCIONAL EN MATERIA ANTIFRAUDE

A Asociación Desenvolvemento Galicia Suroeste Eurural é unha entidade aberta, transparente, accesible, democrática, íntegra e comprometida coa mellora continua dos servizos que presta no seu territorio, en liña coa defensa dos intereses sociais, económicos, profesionais e culturais de toda a sociedade rural galega. Para a consecución de ditos principios, comprométese a cumprir e a trasladar a todos o seu persoal, asociados e cidadanía en xeral os seguintes valores, no marco do desenvolvemento da súa actividade,

- A honestidade e a dedicación como distinción principal do comportamento colectivo.
- A responsabilidade, a integridade e a intelixencia, á hora de administrar os recursos públicos.
- Unha gobernabilidade baseada no capital humano do territorio e nas capacidades das e dos seus profesionais.
- A cohesión e a convivencia no territorio como factores clave de desenvolvemento e progreso.

Por iso, esta entidade quere manifestar o seu compromiso cos estándares máis altos de cumprimento das normas xurídicas, éticas e morais e a súa adhesión aos máis estritos principios de integridade, obxectividade e honestidade, de maneira que a súa actividade sexa percibida por todos os axentes que se relacionan con ela como oposta á fraude e á corrupción en calquera das súas formas.

Todos os membros dos seus órganos de goberno asumen e comparten este compromiso. Así mesmo, o seu persoal comprométese ao desempeño das tarefas que teñan asignadas de acordo aos principios de obxectividade, integridade, neutralidade, responsabilidade, imparcialidade, confidencialidade, transparencia, exemplaridade, accesibilidade, eficacia, honradez, promoción da contorna social, económica, profesional, cultural e ambiental do territorio, así coma o respecto á igualdade entre todas as persoas.

Esta entidade promove unha cultura que desalenta as actividades fraudulentas e que facilita a súa prevención e detección, promovendo o desenvolvemento de procedementos efectivos para a xestión deses supostos. Entre outras medidas, a Asociación Desenvolvemento Galicia Suroeste Eurural procede a subscribir, mediante acordo da Asemblea Xeral, o Plan de medidas antifraude, adoptado mediante acordo da Presidencia, así coma os procedementos e medidas que o mesmo recolle para evitar e, no seu caso corrixir, posibles conflitos de intereses ou potenciais situacións de fraude.

As funcións de control e seguimento corresponderán á Comisión Antifraude, que contará coa colaboración de todos os membros dos órganos de goberno e persoal da entidade. Tamén conta coa colaboración dos diferentes responsables e xestores de procesos para asegurar que existe un adecuado sistema de control interno dentro das súas respectivas áreas de

responsabilidade e garantir, no seu caso, a debida dilixencia na implementación de medidas correctoras e de persecución.

En definitiva, a Asociación Desenvolvemento Galicia Suroeste Eurural adopta unha política de tolerancia cero fronte á fraude e a corrupción e establece un sistema de control robusto, deseñado especialmente para previr e detectar, na medida do posible, os actos de fraude e corrixir o seu impacto, en caso de producirse.

A presente Declaración Institucional de loita contra a fraude será obxecto da debida publicidade a través da páxina web www.eurural.gal e, así mesmo, nos medios de difusión que se estimen pertinentes.